

- **Qanoq pisoqarneratigut taarsiiffigeqqullunga qinnuteqassaanga?**

Taarsiiffigineqassagaanni, piumasaqaatitaliunneqartut makkua naammassineqarsimassapput

- ajoquserneqarnek pinerluttulerinermik inatsimmik unioqqutitsinikkut pisimassaaq
- inummik ajoqusiineq pisimassaaq (imaappoq, pigisat aserukkat kisimik pineqaratik)
- pinerluutigineqartoq nalunaaquttap akunneri 72-t qaangiutsinnagit politiinut nalunaarutigineqarsimassaaq
- pinerluttulerinermik suliami ajoqusiisumut taarsiiffigeqquneq pisimassaaq, suliaq eqqartuussivitsigoortinneqarsimappat
- Taarsiissuteqartarnermik Aalajangiisartunut kingusinnerpaamik ukiut marluk qaangiutsinnagit piumasaqaateqartoqarsimassaaq pinerluutip piliarineqarneraniit imaluunniit eqqartuussutip oqaatigineqarneraniit

- Aalajangiisartunit paasissutissat suut atorineqassappat

Taarsiissuteqartarnermik Aalajangiisartunit taarsiiffigeqqullutit qinnuteqaatit suliarineqarpat Aalajangiisartut atorfissaqartippaat paasissutissat (arlallit) ilinniit pissallugit naliliisinnaajumallutik ajunngitsorsiasalerneqassanersutit imaluunniit taarsiiffigineqassanersut

Qasilisitsinermi aamma anniarnermi imaluunniit kingunipilutsitsinermi ajunngitsorsiasanik

qinnuteqarsimaguit, Aalajangiisartut pisariartippaat paasissutissat, ullut qassit napparsimasimanersutit imaluunniit anniaateqarsimanersutit. Paasissutissat taakkua pingaaruteqarput, qasilisitsinermi aamma anniaateqarnermi ajunngitsorsiasat ullut ataasiakkaarlugit akilerneqartarmata napparsimaffitit imaluunniit katsorneqarneqartit pillugit.

Ajornakusoortumik katsorsagaanerit ingerlanneqarsimappat, imaluunniit pisimasup kingunerisaanik kingunipilutsitsisimaguit ukiup affaa sinnerlugu, Aalajangiisartut nakorsanniit paasissutissat piniarsinnaavaat imaluunniit nakorsap katsorsagaasimanerit pillugu allaaserininnera imaluunniit qanoq innerit pillugu. Pisimasup kingunerisaanik ataavartumik kingunipiluuteqaruit, Aalajangiisartut Center for Arbejdsskaderimut suliaq ilinnut tunngasoq saqqummiussinnaavaat, taakkua naliliisillugit kingunipilutsitsinitit ima ilungersunartiginersut, ajunngitsorsiasamik pisinnaatitaaffeqassallutit.

Pingaaruteqarpoq misissortinnernut taakkununga peqataanissat, tassunga pissutaavoq nakorsap nalunarusiai Aalajangiisartut nalilersuinerinut ilaatinneqassamat, taamaattumillu aalajangiisuusinnaalluni ajunngitsorsiasalerneqassanersutit.

Isertitassaraluannik annaasaqarnermut taarsiiffigeqqullutit qinnuteqarsimaguit paasissutissat nassutissavatit, qanoq annertutigisumik isertitatigut annaasaqarsimanerlutit kiisalu uppernarsaasiisutit napparsimasutut nalunaarsoqqasimaninnut tunngasut. Uppernarsaasiisutigineqarsinnaapput sulisitsisunnit nalunaarussiaq, tassani oqaatigineqassalluni, ullut suut napparsimaffigisimaneritit aamma

aningaasarsissaraluannit qanoq annertutigisumik ilannganneqarsimanersutit napparsimanippit kingunerisaanik.

Pisimasup kingunerisaanik **sulisinnaassutsit** ataavartumik ajornerulersimappat, Aalajangissartunit suliaq saqqummiunneqarsinnaavoq Center for Arbejdsskader-imut, taakkua naliliissapput sulisinnaassutsit ima ajornerulersimatiginersaq, pisinnaatitaaffeqalerlutit taarsiiffigineqarnissannik isertitsinissannut periarfissatit ataavartumik apparsimappata.

Qinnuteqarsimaguit **pigisat aserorneqartut taarsiiffigineqarnissaannut, assersuutigalugu oqarasuaatip mobilip, atisat imaluunniit isarussat aserornerannut** aalajangiisartunit atorneqassapput paasissutissat aserukkat nalinginut tunngasut. Paasissutissat tassaasinnaapput

pisimanermi uppersaat, assit assigisaalluunniit. Pisisimanermut uppersaammik peqaanngikkuit, paasissutissiissutigissavat qanga pisiaasimanersaq, pisup nalaani qanoq innera ajunnginnersaq aamma qanoq akeqarsimanersaq.

Aalajangiisartut paasissutissanik arlalinnik noqqaassuteqarsinnaanerannut pissutaavoq, aalajangiisartunit sapinngisamik paasissutissat sukumiisut pigineqarnissaat Aalajangiisartut aalajangiinerminni naammattumik paasissutissanik tunngavissaqaqqullugit. Nalinginnaasumik aalajangiisartut allagaannik akinissannut piffisalerneqassaatit qaammatini marlunni.

Aalajangiisartut allagaat akinngikkukit, taava eqqumaffigissavat tamanna taarsiiffigineqassagalaruit taarsiiffigineqarnissannut sunniuteqassamat.

- Piffissaq suliap suliarineqarneranut atorneqartoq

Taarsiissuteqartarnermi Aalajangiisartunit suliat assigiinngitsumik suliarineqartarput.

Aningaasat eqqartuussuteqarnikkut aalajangersakkat 10.000 kr.-iuppta imaluunniit annikinneruppata, Taarsiissuteqartarnermi Aalajangiisartut siulittaasuata suliaq aalajangiiffigisinnaavaa. Suliani taamaattuni utaqqineqassanngilaq Aalajangiisartut ataatsimiinnissaat taamaattumillu sukkanerusumik suliarineqarsinnaalluni.

Suliani ataatsimoortillugu taarsiiffigeqqussutit annertuallaanngippata, suliaq suliarineqarsinnaavoq piunnaasaatigineqartup annikinnerusumik uppersaasiiffigineratigut. Taarsiiffigeqqussutip qanoq annertutiginnissaanut killiliussaqaq suliarineqarsinnaasoq annikinnerusumik uppersaasiiffigalugu ukiut tamaasa qaffariartarpoq. 2022-mi aningaasartai 3.500 kr.-iupput.

Suliani, illit piunnaasaatit eqqartuussutikkut aalajangersarneqarsimappat, aallaavittut Taarsiissuteqartarnermik Aalajangiisartut pisussaaffeqarput eqqartuussutip malinnissaanut. Nalinginnaasumik suliani taamaattuni piffissap suliap suliarineqarneranut atorneqartoq sivikinnerusarpoq, tassanimi Aalajangiisartunit atorneqartussaammatt eqqartuussummi allasimasooq. Ajoqusiisoq akuersisimappat annertunerusumik akiliiniarluni, suliani assingusuni tunniunneqartussani, taava Taarsiissuteqarnissamik Aalajangiisartut aningaasat tunniunneqartussatut aalajangikkat akuersissutigalugit aalajangiiffigisinnaavaat ajoqusiisimasumit akilerumallugit akuerineqarsimasut. Eqqartuussisoqarfik aningaasanik suliani assingusuni tunniutassanngortinneqartunit annerusumik aalajangiisimappat taava Taarsiissuteqartarnermi Aalajangiisartunit Inatsiseqarneq pillugu Ministeriaqarfik

noqqaassuteqarfigisinnaavaa eqqartuussisoqarfiup eqqartuussutaata
suliareqqitassanngortinneqarnissaanut.

Suliat amerlanerpaat Taarsiissuteqarnermi Aalajangiisartunit suliarineqartartut suliarineqartussaapput
aalajangiisartut pingasunik ilaasortaqarluni ataatsimiinnerisigut. Taarsiissuteqartarnermi Alajangiisartut
ukiumut suliassat 250-niit 270-it tungaannut tigusarpaat, naallu Aalajangiisartut qaamatit tamaasa
ataatsimiinniartaraluartut, taamaattoq naatsorsuutigineqartarpoq suliap Taarsiissuteqartarnermik
Aalajangiisartuniit tiguneqarneraniit piffissaq suliap suliarineqarneranut atorneqartartoq tassaagajulluni
qaammatit qulit aamma qaammatit aqqaneq marluk akornanni.

Aallaavittut tiguneqarneri naapertorlugit tulleriarinikkut suliarineqartarput, aamma ataavartumik
Taarsiissuteqartarnermi Aalajangiisartunit suliat suliarineqartarput. Suliaq ilinnut tunngassutalik
aalajangiiffiqineqarniarpat nalunaarfigineqassaatit.

- Ajunngitsorsiassat aamma taarsiissutit aningaasartaasa tunniunneqartarneri

Kalaallit Nunaata Politiivinit akuersissutit ilinnut tunngassuteqartut tunniunneqarnissaat isumagisarpaat.

Taarsiisuteqartarnermi Aalajangiisartut suliame aalajangiissuteqareerpata, aalajangigaq ilinnut aamma
Kalaallit Nunaata Politiivinit nassiunneqassaaq.

Aningaasat tigusinnaajumallugit, paasissutissat aningaaserivimmi kontonnut tunngasut politiiunut
ingerlateqqissavatit. Taarsiissuteqartarnermi Aalajangiisartunit aalajangngikkami ilaatigut atuarsinnaassavat
paasissutissat suut politiiunut pisariaqartinneqarnersut aamma paasissutissat sumut nassiutissaneritit.